



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 99. Cardinalis Caraffæ colloquium cum Ohilippo circa Paliani Ducis
fratris sui caussam.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

gatus hunc in finem ad Reginam consentiente Rege Montis-Belli Marchionem decernebat, eidemque Legationis socium adjungebat Hieronymum Nechifolam Ordinis S. Dominici Religiosum, patria Veronensem, ac Theatinum Episcopum, qui Reginam de Pontificis voluntate certiores redderet. Pariter Rex Peytii causam ad Reginam remittebat, subjungens, quod ob grave hujus Præfulis senium exigua in ejus opera spes a Pontifice collocari possit. Denique ad ultimum articulum Rex reposuit, Albæ Ducis adventum esse præstolandum, ut cum eo melius hac de re conferri possit.

§. XCIX.

Cardinalis Caraffæ colloquium cum Philippo circa Paliani Ducis fratris sui causam.

Interea Caraffa Cardinalis Pontificem de Legationis suæ successu, necnon de Regis responsionibus certiores facere non prætermittebat; quippe hanc in rem Octavium Reversam Terracinensem Episcopum olim apud Helvetios Sedis Apostolicæ Nuntium Romam ablegabat, quem tamen Pontifex protinus ad Nepotem suum remisit, significans, quod Bariensem Ducatum Paliano Duci donandum urgeret: cum vero

Sæcul. XVI.
A.C. 1557.

Sæcul. XVI. vero hæc gererentur, Albæ Dux ad-
A. C. 1557. venerat, cui in Senatu Caraffæ postu-
 latum exponebatur, sinistro tamen suc-
 cessu; omnes enim Ministri Caraffen-
 sium temeritatem indignati ægre fere-
 bant, quod hi indignum, quo Regem
 habebant, modum præmio compensari
 contenderent. Ut tamen pactionibus,
 quibus intra semestre æquam pro Pal-
 liano Ducatu compensationem facere
 Rex jubebatur, satis fieret, ac proin
 hæc ditio Caraffensibus eriperetur, hinc
 Cardinali Rossanensis Principatus una-
 cum annua decem millium aureorum
 pensione offerebatur: verum cum Ca-
 rassa, qui nil nisi diadema ambiebat,
 hanc sponsonem non sine contemptu
 rejiceret, hinc Philippi Regis Ministri,
 ut luculento comprobarent argumento,
 quod exacte initum exequi vellent pa-
 ctum, vi cuius Caraffas Paliano peni-
 tus exuere tenebantur, per quemdam
 Scribam rursus eundem Principatum
 Rossanensem solemni ritu offerebant,
 adstantibus Terracinæ, Polæque Epi-
 scopis, ac nonnullis Philippi Ministris.
 Ad hæc respondit Cardinalis, quod hoc
 negotium non ad se, sed fratrem suum
 spectaret, proin cum eo agendum esset:
 quapropter Hispani per Alcanium Ca-
 racciolum, Romæ Philippi res procu-
 rantem, necnon per quemdam publi-
 cum

cum Scribam eandem promissionem Montorio Comiti fieri curabant, præsentibus Rebiba, & Vitellio Cardinalibus. Attamen Comes temporis spatium sibi indulgeri petebat, ut Pontificis Patruï sui mentem desuper compertam haberet, postea vero se respondurum ajebat.

Sæcul. XVI.
A.C. 1557.

§. C.

Legatus postulati sui repulsam indignatus.

Legatus cum in Philippi Regis aula sua postulata flocci haberi intelligeret, animi sui indignationem in Hispaniæ Ministros palam exerere cœperat, præcipue, cum inter eos Marcum Antonium Columnam, & Ascanium Corneum præsentem cerneret; hi enim nullum non movebant lapidem adversus Legatum, partim ut injurias ab eo acceptas ulciscerentur, partim ut eundem inducerent, quatenus eos summo Pontifici suo Patruo conciliaret, hocque beneficio deliniti Papæ studiis faverent. Ast Cardinalis cum sese omni conceptæ spei fructu destitui, rebusque suis cuncta adversari conspiceret, procul a Bruxellensi aula ad quamdam Abbatiam secessit, ut ibidem animi sui mœrorem dissiparet. Attamen Philippus Rex ad placandum Legati animum omnem

Pallav. n. II.

omnem